

Quasi possessio non sufficit, ubi agitur de statu beneficii, & de diverso anteriori constat, ibid.

160 Defectus proprietatis si constat tempore presentationis aut collationis, proprietarius preferatur possessori.

161 Clausula (irritans) tunc suos producit effectus, & inficit possessionem, quando constat obtinere in illo casu, interim tamen possessor non impeditur remediis possessoriis.

162 Clausula (irritans) nihil operatur dummodo non constet reservationem intrare in illo beneficio de quo agitur.

163 Clausula (irritans) dummodo non sit verificata, non impedit manutentionem possessionis.

164 Jus Regium patronatus quando apparere dicitur. Regia provisio presentationis directa ordinario aliquando narrat jus patronatus regule esse motu proprio, aliquando vero illud asserit ex relatione presentati, ib.

165 Catholica Majestas misit per sua Regna precipue Gallie Austrie & Oviedo personas fide dignas scientia & conscientia, ut recognoscerent beneficia suo Regio patronatus spectantia.

166 Principi quasi informato de facti veritate aliquid asserenti est standum.

167 Principi assertioni standum est in antiquis, quibus fundatur, in prejudicium tertii.

168 Principi assertioni jus patronatus ad se spectare, ex relatione tamen partis non est standum.

169 Verbum (ut accepimus) positum in gratia facta ad petitionem partis, ejus narrativa refertur, & non assertioni Principis.

170 Verbum (ut accepimus) appositum in gratia motu proprio facta non ad narrativam partis, sed Principis assertionem refertur.

171 Verbum impersonale (ut asseritur) non refertur ad impetrantem, & ideo ad ejus verificationem non astringitur.

172 De jure Regio patronatus si constat tempore Regia presentationis, ut dictum est, & ordinarius aliter conferat beneficium, provisio erit nulla, & appellationi esse deferendum, declarabitur in tribunali Regio.

173 Contradictor quando comparat in provisione beneficii allegans suum esse jus patronatus, audiendus est in contradictorio judicio, sententia fertur definitiva, & appellatio utrumque habet effectum in simplicibus, non autem in curatis.

174 Jus Regium patronatus non tractatur coram ordinario, sed in consilio supremo Camera.

175 Exceptio juris patronatus Regii opposita quousque in Senatu Camera Regia terminetur, ordinarius tenetur supersedere in provisione beneficii.

176 Ab ordinario procedente ad ulteriorem provisionem beneficii interim dum in Senatu Regio de jure patronatus terminatur exceptio, appellationi emissa erit deferenda. Ab inordinario processu appellationi esse deferendum, etiam in judiciis aliis inappellabilibus, ibid.

177 Ordinarius non est cogendus instituere presentatum a Rege alio existente in possessione per longum aut longissimum tempus, donec per executoriales convincatur.

178 Beneficia de jure vacante ob privationem ipso jure, & non de facto, tamen si patronus queat presentare, non tamen possessio avocanda est donec convincatur, & declaratur.

179 Presentatus ab existente in quasi possessione juris patronatus, si iste evincatur, non erit avocandus a possessore.

180 Idem est quando lis vertitur inter duos collatores.

181 Lite mota inter Episcopum & patronum, vincente patrono, & provisus ab ordinario removeri potest.

182 Lite vertente inter Regem & alium patronum patativum existente in quasi possessione vincente Rege, presentatus a putativo patrono emovendus est, & de ratione, ibid.

183 Lite pendente inter patronos electores aut collectores super possessione, vincens declaratur verus possessor, & ideo ab adversario presentatus seu electus erit indistincte removendus.

184 Citandus est Episcopus aut patronatus, & eisdem provisus ad litem super spolio.

185 Evicto jure Regio patronatus possessor non est avocandus; nec presentatus mittendus in possessionem, sed omnimodo sententia admittit supplicationem.

186 Appellationi a provisione beneficii simplicis facta in contradictorio judicio defertur. Secus quando extrajudicialiter, ibid.

187 Provisio Parochialis ubi fit facienda in contradictorio judicio, prima sententia exequitur, si est vacans Parochialis, secus si non est vacans: & de ratione.

188 Juris regii patronatus cognitio tam super possessione, quam super proprietate, cui pertinet.

189 Juris patronatus tanquam spiritualibus annexi iudicii Ecclesiastico spectat cognitio.

190 Regii juris patronatus controversia tractatur coram Rege & ejus consilio Camera specialissima ratione.

191 Quod non solum Hispania recipit, sed & Regni Gallie, Anglia, Hungaria, & Apulia.

192 Concil. Trid. sess. 22. de reform. c. 8. ponderatur, disponens Episcopum non posse vitare hospitalia & confraternitates que sunt sub immediata Regis protectione.

193 Concilium Regium non cognoscit de jure Regio patronatus in consistorialibus competente, de quo non dubitatur, nec ibi institutio aut collatio fit.

194 Regium consilium agit tantum de qualitate extrinseca Ecclesie contenta in Bullis Pontificalibus, a beneficio sit consistoriale necne, quod est quid facti, non autem spiritualitatis.

195 Judex secularis potest cognoscere, & terminare super donatione juris patronatus facta a laico, & ad illius implementum donatorem compellere.

196 Judex secularis potest compellere promittentem donare jus patronatus, ut contractum adimpleat.

197 Judex secularis poterit cognoscere de qualitatibus inherentibus ipsi donationi juris patronatus.

198 Controversias, que solebant oriri inter consilium supremum, & consilium Camera super cognitione juris Regii patronatus Catholica Majestas diremit per regias schedulas, quibus inhibuit omnibus tribunalibus excepto consilio Camera.

Provisiones Regis recensentur, quibus hec juris Regii patronatus cognitio privative est reservata consilio Camera, ibid.

199 Suprema Regia tribunalia non se intromittunt in cognitione per viam violentie facte ab ordinario Ecclesiastico, sed illam remittunt consilio Camera.

200 & 201 Pro tollenda violentia facta a delegato superioris Ecclesiastici, ad quem appellavit presentatus a Rege ob denegatam institutionem, potest recurrri ad quamlibet Cancellariam, & de ratione, ibid.

202 Ordinarius recusante instituere presentatum a Catholica Majestate recurrente ad consilium Camera pro secunda institutione, an & quando concedi vel denegari solet.

203 & 204 Regium consilium Camera jam hodie non solet expedire provisiones regias presentationis, nisi prius de jure patronatus Regio legitime doceatur, & quare.

204 Ordinarius si provisionibus Regiis presentationibus non obtemperet, quid faciendum.

205 Adversus ordinarios recusantes instituere presentatum a Catholica Majestate attentè procedatur.

206 Ordinarius si non instituat presentatum a Catholica Majestate interim conquiescat, aliter ab ejus provisione & processu appellationi interposita consilium Camera deferendum declarabit.

207 Presentatus a Rege potest recusante ordinario instituere, recurrere ad Metropolitanum vel ordinarium vicinorem pro institutione nanciscenda.

208 Tempus nullum de jure communi reperitur presentatum, ut ordinarius instituat presentatum, sed tantum ad conferendum.

209 Ordinario hodie ex motu proprio Pii V. prefixus est terminus duorum mensium, ut instituat presentatum a patronis in Parochialis, aliter ad quem recurrri potest.

210 Terminus duorum mensium prescriptus ordinario ad instituendum, non currit a die presenti instrumenti nominationis per patronos, sed a die quo nominatus ab eis presentaliter se ordinario offert examinandum.

211 Ordinario non est appositus terminus ad instituendum vel confirmandum in beneficiis simplicibus, sed si id facere vel recuset, vel sit negligens, recurritur ad superiorem qui terminum illi presigat, ut instituat, &c.

212 Terminus prefixo per superiorem ordinario, ut instituat, aut confirmet, intra illud si labatur, potest ipse superior supplere, vel compellendo, vel institutione faciendo.

213 Presentatus potest licite appellare ab ordinario negligente instituere, & quid facere tunc poterit superior.

214 Appellari non licet ordinario, recusante instituere presentatum iusta tamen de causa mora.

215 Superior ad quem est appellatum ab ordinario recusante instituere iusta tamen ex causa, nec potest institutionem facere, nec ad faciendam ordinarii compellere.

216 Causa que iusta dicatur, ut ordinarius legitime possit institutionem denegare. Patronus presentans indignum pro illa vice privatur presentatione, ibid.

217 Regium Camera consilium recusante ordinario instituere presentatum a Rege, potest expedire secundum iustitiam presentationis cum relatione negligentie ordinarii, directum Metropolitanum vel ordinario viciniori ut instituat.

218 Presentata a Catholica Majestate appellationis via quare inutilis & improbabilis videatur.

219 Defenditur tamen & probabilis monstratur.

220 Ab Ecclesiastico iudice recusante imparti sum brachium imploratum a iudice seculari, appellari potest ad superiorem, ut illum compellat.

221 Ecclesiasticus superior, ad quem presentatus a Rege appellavit a negligentia vel protervia ordinarii, non se intromittit in cognitione juris patronatus Regii, sed de gravamine.

222 Nuntii reverendissimi iurisdictioni solet declinari, volentis cognoscere de jure patronatus Regio, aliter autem appellatio decernitur per Consilium Camera legitima, vimque fieri & reponi.

223 Reges Hispanie sunt veri patroni Cathedralium prelatiarum, & Abbatiarum consistorialium horum regnorum Hispanie. Et que jure, ibid. & num. seqq.

224 Jus patronatus Regia Corona Hispanie quibus rationibus Regibus competat, recenseat lex partita.

225 Regi Catholico jus patronatus in consistorialibus beneficiis Hispania fuit attributum Pontificum indultis.

226 Regium jus patronatus dicitur jus regale, & inter cetera Principis regalia computatur.

227 Gottorum tempore electio Episcoporum pertinebat ipsi Regi Hispano.

228 Rex Hispanie fuit redactus ad suum jus eligendi, quod prius habebat consensu & ordinatione Ecclesie universalis, & Pralatorum Hispanie.

229 Regium eligendi jus variatum fuit, quia nuntiata Regi morte Pralati eligendi petebatur licentia per Capitula Ecclesie, quorum electio Regi presentabatur.

230 Rege absente nuntiarum predicta fiebat ejus vice-Regi. Plura juris Canonici iura in proposito explanantur, ib.

231 Rex Catholicus hodie presentat Episcopos Ecclesiarum, cujus juri patronatus nihil detrahatur.

232 Regem Catholicum magno prosequi favore per Romanam Ecclesiam.

Rex Hispania ob suam suorumque ministrorum maximam religionem majori frui potest, quam nemo hucusque fuerit assequutus, ibid.

233 Regii patronatus precipuum fundamentum est privilegium, quod habent Reges.

234 Privilegii Apostolici concessi Regi mentionem faciunt Bulla Episcoporum & pensionem super Episcopatibus.

235 Super Regio patronatu orta controversia Sixtus IV. concessit Regibus Catholicis perpetuo, ut ad Episcopatus eligerentur ab eo nominati & petiti.

236 Adrianus VI. concessit Carolo V. Imperatori nostro, & ejus successoribus jus presentandi Episcopos Hispanie, qui antea providebantur ad supplicationem regum.

237 Rex noster invictissimus quor, qualesve Episcopatus & Archiepiscopatus provideat in Hispania, & extra illam remissive.

238 Principes omnes Christiane Religionis simile privilegium juris patronatus habent. Principes Christiani habentes jus patronatus suorum Regnorum recensentur, ibid.

239 Reges omnes de jure communi habere regium patronatum majorum Ecclesiarum sue ditionis, qui affirmant.

240 Origo, & principium presentandi Reges Episcopos, quod fuerit. Rex potest opponere Episcopum electum sibi esse suspectum, quo probato, retractatur electio, ibid.

241 Regis interest nosse qui in suo regno Ecclesias sunt administraturi.

242 Joannes Igneus reprehenditur asserens, Hispaniarum Reges habere hoc jus presentandi Pralatos ratione concessionis Caroli Regis Francorum.

243 Recensentur Doctores, qui ex Chronicis & Historiis falsum demonstrant Ignei assertionem.

244 Consuetudinem nominandi Pralatos per Hispania Reges stare, etiam ante natiuitatem Caroli Imperatoris Francorum, ostenditur.

245 Computatio temporum refertur, quam scripsit Cavarra.

246 Computatio temporum descripta a Camillo Borello in proposito refertur.

247 Computatione qualibet admissa certum est ad minus 80. annos precessisse Toleranum Concilium Imperatorem.

248 Consistorialia beneficia duplici de causa ita dicta sunt. Consistorialia beneficia aliqua ita dicuntur, quia reperuntur scripta in libris Camera inter consistorialia, non tamen illa providebantur per Consistorium Papa, ibid.

249 Consistorialia beneficia ita vocantur, quia de eis disponit Papa, in Consistorio coram Cardinalibus.

250 Consistorialia beneficia sunt monasteria virorum.

251 Prioratus, Abbatis, & aliorum Regularium prefectura virorum sunt consistorialia beneficia.

252 Beneficiorum consistorialium valor taxatus est in libro consistorialium, qui attenditur in eorum impetrationibus.

253 Beneficia consistorialia ac monasteria virorum Clementis VII. reservavit sibi excedentia ducentorum florenorum auri estimationem.

254 Florenis in Camera Apostolica in taxis capitur pro ducato de Camera, & de vero Florenorum valore, & ejus varietate, remissive.

255 Consistorialia beneficia esse monasteria & prioratus virorum excedentia ducentorum Florenorum estimationem dumtaxat asserentes, decipiuntur. Et de ratione, ibid.

256 Consistorialia beneficia aliquem valorem non requirunt, ut consistorialia dicantur, & quare.

257 Consistorialia beneficia non ideo esse desunt prioratus & Abbatis virorum, quamvis non reperiantur scripta in libro consistorialium, & quare.

258 Consistoriale beneficium non consuevisse, provideri consistorialiter asserenti, incumbit onus probandi.

259 Consistorialiter licet beneficium non provideatur, non definit esse consistoriale, si revera est monasterium virorum.

260 Beneficia multa sunt scripta in libro consistorialium, que nihilominus consistorialiter non providebantur.

261 Ecclesia si reperitur scripta in Catastro Episc. inter Eccles. collegiatas, nihilominus collegiata non dicitur.

262 Signa quibus Ecclesia probatur aut presumitur consistorialis, remissive.

263 Stylus Hispania obtinuit, ut nec aliquis valor attendatur.

- datur, nec descriptio in libro Camera Apostolica, ut beneficium consistoriale dicatur si tamen naturam consistorialis habere, vel habuisse legitime appareat.
- 264 Plures executoriales sententias, instrumenta, informationes etiam per testes peritos, & curiales, tam Concilii supremi & Camera, quam Cancellariorum recensuit Francisc. Gonzales de Heredia secretarius Camera in quadam amplissima & fideli per eum facta relatione.
- 265 Consistorialia beneficia prioratus & Abbatie, que, & qualia denuo recuperata fuere per coronam Regiam recensentur.
- 266 Jus patronatus in antiquis ex quibus conjecturis & presumptionibus probetur, remissive.
- 267 Catholica Majestas non indiget indicibus & presumptionibus probationis juris patronatus, quia ipse non tractat de probanda illius prescriptione, cum satis sit probata sua intentio, & jus patronatus consistorialibus.
- 268 Catholica Majestas tractat dumtaxat de probanda qualitate beneficii, an sit vel fuerit consistoriale necne, que est longe minoris probationis.
- 269 Ecclesia, que habet arma Regia, vel alia similia signa regalia demonstrantia fuisse vel esse monasterium virorum, attendenda est ad novam recuperationem.
- 270 Arma in antiquis non parva sunt auctoritatis ad probandum ejus patronatus.
- 271 Res ejus esse presumitur, cujus est signum & marcha.
- 272 Ex signo & marcha arguitur dominium ejus, cujus est marcha.
- 273 Artifex insignis potest prohibere, ne alius suo signo utatur.
- 274 Epitaphiis seu literis descriptis in lapidibus antiquis fides adhibetur.
- 275 Jus patronatus antiquum probatur ex Epitaphiis & literis descriptis in lapidibus antiquis.
- 276 Epitaphium mentionem faciens de familia in antiquis probat legitime.
- 277 Inscriptio in lapidibus & monumentis seu parietibus antiquis posita in loco publico legitime probat, etiam in magnum prejudicium alterius.
- 278 Historiis & Chronicis maxima fides circa hoc adhiberi solet.
- 279 Jus patronatus antiquum probatur ex antiquis analibus.
- 280 Casus de facto refertur, quo probatum fuit jus regium patronatus, ex eo solum, quod in libro quodam, quo erant Ecclesia scripta ad marginem cujusdam Ecclesie reperitum est scriptum (Regis est.) Nec in prefato casu potuisse possessori probari immemorabilem in contrarium, ibid.
- 281 In patronatu Regio non currit prescriptio.
- 282 Libri antiqui probant, quando eis communiter creditur, vel sunt in loco, ubi dumtaxat servantur authentice scriptura.
- 283 Majoratus bona non prescribuntur etiam per centum annos, ubi apparet evidenter de eorum principio, esse majoratus.
- 284 Bona quandiu constat esse de platea vel exitu civitatis, sunt imprescriptibilia.
- 285 Immemoralis prescriptio non suffragatur quantumvis legitime probata; si apparet de iniquo principio invalido, & injusto titulo.
- 286 Immemoralis prescriptio cessat cum simus in claris, de ejusque infecto principio clare apparet.
- 287 Immemoralis effectus cessat ubi constat de mala fide.
- 288 Regium jus patronatus donatum a Rege alicui perne, seu Ecclesia an retineat naturam regii patronatus.
- 289 Jus patronatus absolute donatum primæva natura variata regulariter juxta naturam donatarii.
- 290 Jus patronatus origine laicali si aliquo titulo in

- Ecclesiam aut Ecclesiasticam personam sit translatum; efficitur Ecclesiasticum.
- 291 Papa concedens mihi castrum poterit contra me prescribi, quia mea possessio non est papalis.
- 292 Privilegium alteratur, & variatur per mutationem personarum.
- 293 Qualitas regia non transit cum re in donatarium privilegium.
- 294 Regia jurisdictione licet ultra immemorabilem prescribi non possit; tamen contra privatum, cui illam rex donavit ex privilegio, tempore ordinario prescribitur.
- 295 Rex an possit donare jus patronatus sibi à Sede Apostolica concessum in consistorialibus, remissive.
- 296 Jus regium patronatus donatum non absolute, sed in feudum, cum scilicet adhaeret castro aut villo in feudata; retinet naturam regii patronatus.
- Jus patronatus an & quando in feudum vel emphyteusim concedi possit, vide remissive, ibid.
- 297 Causa à qua rei origo procedit attendenda est.
- 298 Quod contingit ex causa de preterito, ad tempus preterite cause referendum est.
- 299 Regium jus patronatus donatum, Ecclesie efficitur Ecclesiasticum.
- 300 Jus patronatus alicujus comitatus annexi Episcopatu, est Ecclesiasticum, & de ratione.
- 301 Cavendus reprobat.
- 302 Jus patronatus spectans ad prioratum erit Ecclesiasticum.
- 303 Et etiamsi prioratus sit juris patronatus laici, ubi legitima redditur ratio.
- 304 Forma providendi beneficia juris patronatus Ecclesiastici servatur in beneficiis pertinentibus presentationi alicujus ordinis militaris, & Regis, tanquam ejus perpetuo administratori.
- 305 Qua forma non servata in eisdem beneficiis tanquam patronatus Ecclesiastici appellationi erit interposita deferendum.
- 306 Juris Regii patronatus beneficio in alium statum erecto, an jus patronatus retineatur, vel admittatur.
- 307 Beneficii facta commendata Rector presentabit in vicaria perpetua.
- 308 Commenda facta alicujus beneficii, quod antea erat patronatus Regii, poterit Rex presentare vicarium perpetuum.
- 309 Res obligata, si transit in aliam formam reducibilem ad primam materiam, non extinguitur jus pignoris competens in ipsa prima materia.
- 310 Res transit cum sua causa, & suo onere.
- 311 Privilegia realia per alterationem rei non perduntur.
- 312 Privilegium competens prioratu erecto postea in Cathedrali non amittitur, sed retinetur.
- 313 Possessio conferendi dimidias portiones in aliqua dioecesi trahitur ad alias portiones noviter erectas ejusdem speciei.
- 314 Privilegium percipiendi decimas ex aliquo fundo, si varietur modus seminis & fructuum, conservatur in eis privilegium.
- 315 Consuetudo solvendi decimam ex tritico fundi proccedit, si semineur milium.
- 316 Prescribens in terra certas decimas, videtur quoad omnes illius terre fructus prescripsisse.
- 317 Res empti ex pecunia redacta ex re majoratus, in ejus locum subrogatur cum omnibus qualitatibus primordialibus majoratus.
- 318 Ecclesia tunc Parochialis si appareat aliquando fuisse monasterium virorum & consistoriale, recuperatur jus patronatus Regium.
- 319 Lex Regia refertur, qua revocantur donationes juris Regii patronatus factæ per Regem Henricum, & aliorum Regum.

- Multoties, oriuntur violentia circa provisiones beneficiorum juris Regii patronatus ob denegatam presentato institutionem, aliove variis causarum figuris in discussu videndis, & primitus an appellationi emissa per procuratorem fiscalem à provisione facta per ordinarium spreta Regia Corona, Casareaque Majestatis preservatione neglecta, non deferens ordinarius, vim faciat. In quo duo sunt casus distinguendi, nam ut loquimur in provisione illius distinguendi, in cuius presentationis quasi possessione, & ultimo statu Regia reperitur Majestas, secundum tenorem cap. consultationibus de jur. patr. & tunc dubium, nullum nobis esse potest, ut vis fiat plus quam notoria, cum appellatio licita sit, quoniam provisi per meram collationem est ipso jure, text. in d. c. decernimus 16. q. 7. & ex his quæ latè in ejus comprobationem & intellectum adduximus supra c. precedenti à num. 129. cum seqq.
- 3 Nam ille qui est in quasi possessione presentandi, estque patronus putativus, debet presentare, ejusque presentatio admittenda, non tamen alterius, qui licet habeat bonum jus in proprietate, caret tamen possessione, ut per d. cap. consultationibus dixit Rot. dec. 14. de jur. patr. in antiq. & decis. 17. eodem tit. in noviss. probat l. 9. tit. 15. p. 1. ubi Gregor. Lopez in verb. tuvisse. Calder. conf. fin. de jur. patr. Aymon. conf. 322. nu. 5. Roc. de Cur. de jur. patr. verb. competens q. 19. n. 39. & seqq. Lambert. eodem tit. l. 2. p. 1. q. 13. art. 1. & 6. per totam quest. Put. dec. 189. n. 1. & per tot. lib. 1. Rolan. conf. 48. n. 28. usque ad n. 39. lib. 1. Joan. Gutier. conf. 4. n. 34. & in quest. patr. q. 43. à n. 9. & num. 40. l. 3. Rota dec. 167. num. 7. part. 2. divers. quia presentatio, sicut electio, & collatio sunt fructus juris conferendi, eligendi, & presentandi, cop. cum Bartol. de re jud. gloss. in c. cum olim. vero. capitulo vers. sed collatio beneficiorum, de majoritate & obedien. & ibi But. sub n. 16. Abb. n. 1. Felin. num. 2. Nicol. Mill. in reperto. verbo beneficiorum collatio n. 14. Rota dec. 17. q. 1. de jur. patr. in noviss. dec. 14. ante fin. eodem tit. in antiq. Selv. de benef. 3. p. q. 40. n. 4. & per totam. Cassiodor. dec. num. 6. de pensio. Rot. dec. 166. n. 5. p. 1. divers. Gom. in regul. de trienna part. q. 37. n. 19. plurimos citat Riccius in pract. Eccles. jur. patr. decis. 153. ubi latè etiam an & quando potest Concil. Trident. procedat.
- 4 Aut enim ultimus hic presentandi status, & quasi possessio, penes Casaream Majestatem non reperitur, sed potius penes ordinarium, puta, imò multis ante annis longo etiam & longissimo tempore, quod usque forte ad centum annos perveniat ascendere, postquam contigerit vacare, ut merè collativum, & summus Pontifex, & ordinarius contulerunt, & de hoc apparet multis continuatis provisionibus; & tunc major stat difficultas, an provisio dicatur nulla, & an contemptus patroni dicatur, ut inde vim an fieri inducamus in qua si juris regulæ ordinariæ prescriptionum attendantur, nec nullitatem, nec contemptum adesse adhuc certum est. Etenim in beneficialibus quoad ejus provisionem, collationem, presentationem seu electionem, semper attenditur ultimus status, ultimaque & immediata possessio, Oldral. conf. 312. nu. 2. in fin. & n. fin. Rot. dec. 2. num. 2. de praben. in no. & dec. 49. ante n. princ. de refer. in antiq. Felin. in c. eam te num. fin. ad me de rescript. Ferret. conf. 112. n. 3. & conf. 220. num. 4. & 5. vol. 1. & conf. 293. n. 1. vol. 2. Rom. de Cur. in c. fin. de cons. ult. fact. 4. n. 82. Mascar. de prob. nu. 172. n. 8. decisio Veneta 54. n. 7. lib. 2. Put. dec. 2. n. 4. lib. 3. Casar. de Grass. dec. 4. de probat. ion. Joan. Gutier. alleg. 8. in fin.
- 5 Et in specie quod in jure conferendi attenditur quasi possessio, non autem quis habuerit proprietatem probat text. expressus in c. cum olim, & c. cum Ecclesia Sutrina, de causa poss. & propr. ubi gloss. docet, latè prosequitur Selva in tr. de benef. 2. p. q. 2. per totam. Decius

- conf. 117. n. 2. ante medium & conf. 126. n. 2. & conf. 134. n. 1. Mohedan. dec. 9. ad fin. de restitutione spoliat. Mascar. de prob. conf. 173. n. 4. & 5. Thom. Tiber. d. dec. 57. n. 12. & 13. lib. 2. Mandos. in addit. ad Lapum alleg. 89. sub nu. 8. fin. & n. 9. lit. l. & lit. V. & ad effectum electionis quasi possessio, & status dumtaxat allegatus attendendus est, text. in c. querelam 24. de electione. Rot. juncta additione dec. 6. n. fin. de elect. in novis, & decis. Veneta n. 2. Joan. Selva ubi proxime n. 2.
- 6 Et ideo aliud est quem esse collatorem, seu patronum, & aliud habere jus conferendi vel presentandi; quia illud respicit petitorem, istud possessorium, Philip. Franc. in c. unico n. 5. de jur. patr. in 6. Cassiodor. decis. 2. num. 3. in fin. de probat. Rot. decis. 347. & decis. 178. l. 3. p. 3. divers. sicut nec est bonum argumentum, habeo jus presentandi, ergo competit mihi jus patronatus, latè Roch. de Curt. de jur. patr. verbo competens, q. 25. an. 57. cum seqq. Lambert. lib. 1. p. 1. q. 10. art. 8. n. 1. & per totum.
- 7 Sed pro Casarea aut Catholica Majestatis intentione multa efficacissima; specialiaque fundamenta urgent, quæ causam & principium prescriptionis impediunt; dum statutum ipsum, ac quasi possessionem ex adverso oppositam, inficiunt, atque repugnant, jusque patronatus in talibus beneficiis Regiæ Coronæ pertinens ex summorum Pontificum concessionibus, & privilegiis conservant, atque defendunt, & istæ Bullæ, & privilegia, sunt alia Pontificis Adriani VI. Clementis VII. & Pauli III. ut clarius dicenda pateant, verba sunt inferenda Bullæ Adriani VI. cujus clausula ita ait.
- 8 Decernentes jus patronatus; & presentandi, hujusmodi illius omnino naturæ & vigoris existere, cujus patronatus Regium ex dotatione existit, & quascumque provisiones, commendas, administrationes, uniones, ac dispositiones, tam de vacantibus, quam de vacaturis, etiam per viam accessus, & regressus, vel aliis quomodolibet, etiam de consensu illas, vel illa pro tempore obtinentium, & de Ecclesiis, & Monasteriis prædictis absque presentatione, aut expresso consensu vestrorum, aut dictorum successorum vestrorum, per nos aut Romanos Pontifices, successores nostros, & sedem prædictam quomodolibet de cetero faciendas aut pro tempore factas; & quascumque literas Apostolicas desuper quomodolibet pro tempore confectas, etiam quascumque derogationes quorumvis jurium, presentandi seu nominandi, etiam cum quibusvis efficacissimis, & prægnantissimis clausulis in se contentis nullius roboris, vel momenti existere. Vosque ad dictos successores vestros, seu vestrum aliquem illis nullatenus parere debere, & ob non partitionem hujusmodi aliquas etiam in eisdem literis contentas censuras & penas nullatenus incidere posse.
- 9 Ac presentes literas, & in eis contenta quæcumque valere, plenamque roboris firmitatem obtinere, ac perpetuò inviolabiliter observari debere, in omnibus, & per omnia, ac si de unanimo Cardinalium consilio, & consensu consistorialiter, ut moris est, servatis quibuscumque servari præstitis emanassent, & quæcumque ad illorum validitatem, efficaciam, & perpetuitatem quomodolibet requisita formaliter, & individue, nihil omisso, intervenissent, ac observata & facta fuissent.
- 10 Et si per quoscumque tam ordinaria, quam delegata; & mixta auctoritate fungentes iudices, & personas ubique judicari, cognosci, atque decidi, debere sublatâ eis, & eorum cuilibet, quavis aliter judicandi & decidendi facultate, nec non irritum, & inane, quidquid secus super iis à quoquam quavis auctoritate scienter, vel ignoranter contigerit attentari, perpetuò decernimus.
- 11 Hastenus de clausulis dictæ Bullæ, que ut videtur enixa & exorbitantes sunt, & extraordinariæ, ex quarum